

UMHA COLABORAÇOM ENTRE ARDORA (S)EDIÇONS ANARQUISTAS E COLAPSO ZINES

PERIÓDICO ANARQUISTA



## N20 · ABRIL 2020

OS CANS DE PAVLOV

O ESTADO COM MÁSCARA

A LUITA CONTINUA

## OS CANS DE PAVLOV

**ROBINJUZ** 

ivemos tempos duros.
De um lado a epidemia; nada novo baixo o sol, as doenças infeciosas tenhem dizimado a humanidade em intervalos mais ou menos regulares. Do outro as inéditas medidas de controle social que, com a desculpa da emergência, diminuirám desde já e para longo os nossos direitos.

O de utilizar a exceçom para implantar medidas que se convertems em regra vem de longo. Trata-se do velho truque da cirurgia e a anestesia: antes de extirpar-nos liberdades é necessário preparar o caminho; de outra forma as pessoas rebelariamse pola perda de direitos duramente conquistados durante anos de luita cidadám. É necessário um choque, um acontecimento traumático que baixe a guarda da sociedade: essa é a anestesia. A cirurgia é a implantaçom de cortes até o momento impopulares. A amputaçom indolora das conquistas sociais. E esta supressom

drástica de garantias legais consegue-se, ainda por cima, com um estrondoso aplauso. Com o entusiasmo acrítico de um povo narcotizado polos hinos marciais da emergência. É isso mesmo o que está a acontecer agora.

Nom vou julgar aqui a excecionalidade da situaçom. Muito provavelmente vivemos tempos difíceis que requerem compromisso e disciplina. Momentos para a responsabilidade individual e coletiva, a solidariedade e a coesom. Mas isso nom tem que significar a militarizaçom da sociedade. Para justificar isto último apela-se à insolidaridade do cidadám, à irresponsabilidade de muitos perante as normas e a legislaçom. Mas quando as medidas se tomam mediante a repressom infantiliza-se o indivíduo e priva-se-lhe da capacidade de decidir. Perante a obrigatoriedade do decreto surge a rebeliom e a insubmissom; por sua parte, da liberdade surge a criatividade popular, a iniciativa social e a imaginaçom coletiva. Quando o povo se auto-organiza um sem-fim de soluçons brotam do entusiasmo: sentimo-nos responsáveis do que acontece. Ao tempo, as imposiçons de acima convertem-nos em rebanho, reduzem a nossa iniciativa, reduzem-nos e fiscalizam-nos; dando espaço a comportamentos insolidários, picaresca individualista e rebeldia.

A opçom escolhida por quem governa, no entanto, foi o confinamento manu militari de toda a sociedade. E repito que nom é a minha intençom aqui julgar o grau de isolamento necessário ante a excecionalidade da situaçom, senom a forma do implementar e, muito especialmente, o precedente que gera. Outros países optárom por diferentes métodos, ou por restriçons menos

estritas. Mas o antes e o depois em termos de controlo social vam reger a escala global.

Preocupa-me especialmente o reflexo condicionado. Perante a escassez de opçons e capacidade de manobra surgiu a ideia do aplauso desde as janelas aos profissionais sanitários. O que começou como uma bonita iniciativa cidadám de reconhecimento logo se converteu num acrítico ato compulsivo de reafirmaçom social. Por isso nom se demorou em estender às forças repressivas numha espécie de exaltaçom do confinamento. E o que é pior, a se utilizar como um ritual coletivo de adesom gregária, um elemento de obrigado cumprimento que ocasiona a censura e inclusive a multa de quem infringe. Algo parecido com a validaçom pública da excecionalidade repressiva e a amputaçom da nossa liberdade. Escuitar aplausos desde as varandas quando a lei nos obriga a nos enclausurar dá-lhe um aquele kafkiano ao encerro. Convertemo-nos nos nossos próprios carcereiros. Muito pior, em carcereiros dos nossos vizinhos. E ainda por cima aplaudimos.


E o que nos vai deixar todo isto? Nom duvidedes que, ao igual que os cans de Pavlov que salivavam só com escuitar o ruído de um sino, terminaremos por associar a soluçom de uma crise com o desaparecimento de direitos. Imporá-se um reflexo condicionado unindo o "estado de alarme" ao bem-estar social em tempos de emergência. De tal forma que perante qualquer catástrofe as pessoas pedirám a gritos a suspensom de liberdades civis e inclusive o confinamento. Dará igual que se trate de umha doença, um desastre natural ou um atentado terrorista; o bem-sucedido precedente marcará as condutas do futuro. As nossas casas serám o local seguro, deixar fazer ao estado a tabela de salvaçom. Usando como anestesia esta situaçom

anormal perderemos o medo aos estados de exceçom. Inclusive havemos vê-los como a soluçom natural ante os "inimigos invisíveis". A excecionalidade (convertida em norma) funcionará como bálsamo contra a insegurança. A nossa incrível docilidade para aceitar a supressom de liberdades e a implantaçom de novos mecanismos de controlo gera um mui perigoso precedente. Hoje é a pandemia, mas amanhá poderia ser o independentismo em Catalunha ou umha manifestaçom antiglobalizaçom. A supressom das garantias constitucionais num território, umha cidade, ou em toda a naçom (dependendo das necessidades repressivas do momento) serám um guloso recurso em vista da obediência de borrego com a que nos submetemos. E assim havemos acostumando pouco a pouco ao toque de recolher, à restriçom de mobilidade, à supressom dos direitos, ao controlo tecnológico e ao exército nas nossas ruas. Hoje os militares fam só labores de desinfeçom, mas amanhá farám as tarefas policiais e, como já nos temos afeito à sua presença, ninguém se vai estranhar. Soa conspiranoico e agoireiro Pois já está a acontecer, o pior já está feito.

Estão a implantar o controlo total dos nossos movimentos mediante os telemóveis. Sim, certamente era algo que já existia de umha maneira mais ou menos encoberta, mas agora toma categoria de lei. Aperfeiçoa-se a passos de gigante. As empresas tecnológicas viram os seus recursos em melhorar as ferramentas de controlo social e monitorizaçom em massa dos cidadaos, enquanto a humanidade inteira o festeja como um triunfo do bem comum. Hoje vigiamos os doentes, mas amanhá serám os imigrantes, os separatistas ou os dissidentes. Quando um novo tarado decida exterminar os judeus (ou quem toque no próximo

terminaremos por associar a soluçom de uma crise com o desaparecimento de direitos.

Imporá-se um reflexo condicionado unindo o "estado de alarme" ao bem-estar social em tempos de emergência



genocídio) só terá que dar a um botom para saber onde encontrar a cada um. Desta vez nom há escapar ninguém. E o pior de todo é que os chivatos de varanda e os polícias de sapatilhas e albornoz demonstram que continuamos a ser tam mesquinhos como quando a Alemanha nazista.

Mas como poderám monitorar os nossos movimentos se podemos deixar os telefones na casa? Quanto demorarám em obrigar-nos aos levar connosco? Há tempo que se propom que os usemos como cartons de crédito. Já inventárom a aplicaçom que os converte em cartom de conduzir. Quanto falta para que sejam também o nosso cartom de identidade? Poderám multar-nos quando vaiamos sem eles? Tal e como estám as cousas já nom faria falta nem umha desculpa, poderiam obrigar-nos a levá-los dizendo diretamente que é para controlar os nossos movimentos e a sociedade aplaudiria-o. A distopia autoritária está à volta do canto, se é que nom vivemos já nela mas ainda nom reparamos.


Já ninguém se questiona sequer a necessidade da vacinaçom obrigatória. A polémica entre liberdade individual e segurança coletiva ficou definitivamente fora. Eu não tenho um reparo especial para o uso de vacinas, mais bem vejoas como um importante achado da humanidade. Mas considero aberrante o facto de tratar de impor-lhas ao resto. Se desse modo perdem algumha eficácia pois má sorte, é parte da portagem necessária por viver em liberdade. A liberdade da gente para conduzir carros também resulta na morte de muitos peons e ninguém se propom a proibiçom do tráfego rodado. Por nom falar das imprevisíveis consequências que pode traer a vacinaçom forçada, com fármacos dos que ainda nom conhecemos os seus possíveis efeitos secundários em longo prazo.

Mas independentemente dos seus efeitos benignos ou nom, o certo é que marcará um sinistro precedente totalitário. Outro mais. E as tertulias da tv, nas que todos terám a mesma opiniom, darám-nos a sensaçom de ter debatido a consciência. E uniremo-nos ao último hashtag, chamando liberdade a todo o contrário. E a gente seguirá aplaudindo desde as varandas.

A verdade é que o panorama é desolador. Umha doença que se está a cebar com os nossos maiores: devolvendo à sua forma original as envelhecidas pirâmides populacionais. Lembrando-nos que as leis naturais regem também para nós e que nom é tam fácil escaquearnos dos equilíbrios do ecossistema. Que nos anos que a ciência lhe rouba à natureza podem ser reclamados de novo por vias insuspeitas. Mas mais desalentador se cabe será o novo paradigma mundial. Entrámos em quarentena numha época e sairemos noutra. Estamos a viver umha mudança de ciclo. E a pesar das cursis bobas súplicas por um mundo melhor, pese às pueris ilusons de autoajuda sobre aprender dos nossos erros, o verdadeiro é que tudo fai pensar que

o futuro será bem mais totalitário. Já íamos apontando maneiras (Trump, Bolsonaro, a auge da extrema-direita europeia, VOX), mas chegamos a um momento de inflexom. Agora ninguém se questiona a crise que virá a nível laboral e financeiro. Mas depois dela se esconde a reorganizaçom dos equilíbrios estratégicos mundiais. E será um processo doloroso e cru de empobrecimento coletivo que se incrementará especialmente com os de sempre.

E perante todo isto omo estám os movimentos sociais? Está preparada a dissidência? Encantariame pensar que figemos os deveres, mas muito me temo todo o contrário. E ainda pior, que propostas temos perante a crise social, política e financeira? Venhem tempos duros, ham vir desigualdades sociais e desemprego estratosféricos. No entanto parece que hai tempo que nos distanciamos da luita de classes. Quais serám as propostas agora? A revisom dos nossos privilégios? A realidade é que há poucos motivos para o otimismo.



## O ESTADO COM MÁSCARA

MIQUEL AMORÓS, CONFINADO NA SUA CASA AINDA QUE LHE PESE, EM 7 DE ABRIL DE 2020.

atual crise significou umhas quantas voltas de porca no controlo social por parte do Estado. O principal nessa matéria já estava bastante bem implantado porque as condiçons económicas e sociais que hoje imperam assim o exigiam; a crise nom fai mais do que acelerar o processo. Estamos a participar à força como massa de manobra num ensaio geral de defesa da ordem dominante frente a umha ameaça global. O coronavirus 19 foi o motivo para o rearme da dominaçom, mas igual teria servido umha catástrofe nuclear, um impasse climático, um movimento migratório imparável, umha revolta persistente ou umha borbulha financeira difícil de manipular. Nom obstante a causa nom é o de menos, e a mais verídica é a tendência mundial à concentraçom de capitais, aquilo ao que os dirigentes chamam indistintamente mundializaçom ou progresso. Dita

tendência acha o seu correlato na tendência à concentraçom de poder, por conseguinte, ao reforço dos aparelhos de contençom, desinformaçom e repressom estatais. Se o capital é a substância de tal ovo, o Estado é a casca. Umha crise que ponha em perigo a economia globalizada, umha crise sistémica como dizem agora, provoca umha reaçom defensiva quase automática e começa mecanismos disciplinares e punitivos de antemao já preparados. O capital passa a segundo plano e entom é quando o Estado aparece em toda a sua plenitude. As leis eternas do mercado podem tomar-se umhas férias sem que a sua vigência fique alterada.

O Estado pretende mostrar-se como a tabela salvadora à que a populaçom deve de agarrar-se quando o mercado se vai dormir na madrigueira bancária e bursátil. Enquanto se trabalha na volta à ordem de antes, ou seja, como dizem os informáticos, enquanto se tenta criar um ponto de restauraçom do sistema, o

Estado interpreta o papel de protagonista protetor, embora na realidade este se assemelhe mais ao de bufom macarra. A pesar de todo, e por mais que o diga, o Estado nom intervém em defesa da populaçom, nem sequer das instituiçons políticas, senom em defesa da economia capitalista, e portanto, em defesa do trabalho dependente e do consumo induzido que caracterizam o modo de vida determinado por aquela. Dalgumha forma, protege-se dumha possível crise social fruto de outra sanitária, isto é, defende-se da populaçom. A segurança que realmente conta para ele nom é a das pessoas, senom a do sistema económico, essa à que costumam referirse como segurança "nacional". Em consequência, a volta à normalidade nom será outra cousa que a volta ao capitalismo: aos blocos colmeia e às segundas residências, ao ruído do tráfego, à comida industrial, ao transporte privado, ao turismo de massas, ao panem et circenses... As formas extremas de controlo

A vida da gente nom começará a caminhar por caminhos de justiça, autonomia e liberdade sem desprender-se do fetichismo da mercadoria, apostatar da religiom estatista e esvaziar as suas grandes superfícies e as suas igrejas como o confinamento e a distância interindividual rematárom, mas o controlo continuará. Nada é transitório: um Estado nom se desarma por própria vontade, nem prescinde gostosamente das prerrogativas que a crise lhe outorgou. Simplesmente, «hibernará» as menos populares, tal como fixo sempre. Tenhamos em conta que a povoaçom nom foi mobilizada, senom imobilizada, polo que é lógico pensar que o Estado do capital, mais em guerra contra ela que contra o coronavirus, trata de se curar em saúde impondo-lhe condiçons cada vez mais anti-naturais de sobrevivência.


O inimigo público designado polo sistema é o indivíduo desobediente, o indisciplinado que fai caso omisso das ordens unilaterais de acima e recusa o confinamento, que se nega a permanecer nos hospitais e nom guarda as distâncias. O que nom comunga com a versom oficial e nom acredita nas suas cifras. Evidentemente, ninguém assinalará aos responsáveis por deixar aos sanitários e cuidadores sem equipas de proteçom e aos hospitais sem camas nem unidades de cordados intensivos suficientes, aos mandamases culpados da falta de testes de diagnóstico e respiradores, ou aos jerarcas administrativos que se despreocupárom dos idosos das residências. Tampouco apontará o dedo informativo a profissionais desinformadores, a empresários que especulam com os fechamentos, aos fundos abutres, aos que se beneficiárom com o desmantelamento da sanidade pública, a quem comerciam com a saúde ou às multinacionais farmacêuticas... A atençom estará sempre dirigida, ou melhor teledirigida, a qualquer outro lado, à interpretaçom otimista das estatísticas, ao dissimulo das contradiçons, às mensagens paternalistas governamentais, à incitaçom sorridente à docilidade das figuras mediáticas, ao comentário brincalhom das banalidades que circulam polas redes sociais, ao papel higiénico, etc. O objetivo é que a crise sanitária se compense com um grau maior de domesticaçom. Que nom se questione um ápice a labor dos dirigentes. Que se suporte o mau e que se ignore aos causantes.


A pandemia nom tem nada de natural; é um fenómeno típico da forma insalubre de vida imposta polo turbo-capitalismo. Nom é o primeiro, nem será o último. As vítimas som menos do vírus do que da privatizaçom da saúde, a desregulamentaçom laboral, as despesas de recursos, a poluiçom crescente, a urbanizaçom desbordada, a hipermobilidade, a excessiva concentraçom metropolitana e a alimentaçom industrial, particularmente a que deriva das mawcrogranjas, lugares onde os vírus encontram o seu melhor local reprodutor. Condiçons todas elas idóneas para as pandemias. A vida que deriva dum modelo industrializador onde os mercados mandam é isolada de por si, pulverizada, tecnodependente e propensa à neurose, qualidades todas que favorecem a resignaçom, a submissom e o ciudadanismo "responsável". Se bem estamos governados por inúteis, ineptos e incapazes, a árvore da estupidez dirigente nom tem que impedirnos ver o bosque da servidom cidadá, a massa impotente disposta a submeter-se incondicionalmente e encerrar-se pola segurança aparente que lhe promete a autoridade estatal. Esta, em troca, nom costuma premiar a fidelidade, senom guardar-se dos infiéis. E, para ela, em potência, infiéis somos todos.

Em certo modo, a pandemia é umha consequência do empurre do capitalismo de estado chinês no mercado mundial. A contribuiçom oriental à política consiste sobretodo na capacidade de reforçar a autoridade estatal até limites insuspeitados mediante o controlo absoluto das pessoas pola via da digitali-

zaçom total. A essa classe de virtude burocrático-policial poderia acrescentar-se a habilidade da burocracia chinesa em pôr a mesma pandemia ao serviço da economia. O regime chinês é todo um exemplo de capitalismo tutelado, autoritário e ultra-desenvolmentista ao que se chega depois da militarizaçom da sociedade. Na China a dominaçom terá a sua futura idade de ouro. Sempre há pusilânimes retardados que lamentaram o retrocesso da «democracia» que o modelo chinês implica, como se o que eles denominam assim nom fora outra cousa que a forma política dum período obsoleto, o que correspondia à partitocracia consentida na que eles participavam gostosamente até ontem. Pois bem, se o parlamentarismo começa a ser impopular e cheiroso para os dirigidos na sua maioria, e portanto, resulta cada vez menos eficaz como ferramenta de domesticaçom política, em grande parte é devido à preponderância que adquiriu nos novos tempos o controlo policial e a censura sobre malabarismo dos partidos. Os governos tendem a utilizar os estados de alarme como ferramenta habitual de governo, pois as medidas que implicam som as únicas que funcionam corretamente para a dominaçom nos momentos críticos. Ocultam a debilidade real do Estado, a vitalidade que contém a sociedade civil e o facto de que ao sistema nom lhe sustenta a sua força, senom a atomizaçom dos seus súbditos descontentos. Numha fase política onde o medo, a chantaje emocional e os big data som fundamentais para governar, os partidos políticos som muito menos úteis que os técnicos, os comunicadores, os juízes ou a polícia.

O que mais deve de preocupar-nos agora é que a pandemia nom só culmine alguns processos que venhem de antigo, como por exemplo, o da produçom industrial estandardizada de alimentos, o da medicalizaçom social e o da regimentaçom da vida quotidiana, senom que avance consideravelmente no processo da digitalizaçom social. Se a comida lixo como dieta mundial, o uso generalizado de remédios farmacológicos e a coerçom institucional constituem os ingredientes básicos do pastel da cotidianidade pós-moderna, a vigilância digital (a coordenaçom técnica das vídeocámaras, o reconhecimento facial e o rastreio dos telemóveis) vem a ser a guinda. Daqueles pós, estes lodos. Quando passe a crise quase todo será como antes, mas a sensaçom de fragilidade e desassossego permanecerá mais do que a classe dominante desejaria. Esse mal-estar da consciência restará credibilidade aos partes de vitória dos ministros e porta-vozes, mas está por ver se por si só pode bota-los da cadeira em que se acomodárom. Caso contrário, isto é, se conservassem a sua poltrona, o porvir do género humano seguiria em maos de impostores, pois umha sociedade capaz de fazer-se cargo do seu próprio destino nom poderá formar-se nunca dentro do capitalismo e no marco dum Estado. A vida da gente nom começará a caminhar por caminhos de justiça, autonomia e liberdade sem desprender-se do fetichismo da mercadoria, apostatar da religiom estatista e esvaziar as suas grandes superfícies e as suas igrejas.





máticas produtivas. Pensar diferente e luitar por umha sociedade mais igualitária fai-te improdutivo e portanto criminoso.

Em 2016, Gabriel Pombo da Silva é posto em liberdade depois de 31 anos sequestrado em cárceres do estado espanhol e alemao. "Sou livre e, segundo parece, em 45 dias pretenderám encarcerar-me de novo, soltarám-me de novo os seus galgos". Em menos de um ano, a começos de 2017 é detido baixo a acusaçom de "líder de umha célula anarquista..." iniciando umha investigaçom que acaba numha redada na sua casa em procura de armas (operación buyo). Ao nom encontrarem nada incriminatório voltam deixá-lo livre.

A justiça espanhola é como um cam de presa que nom se rende. O seu seguinte passo foi sacar umha ordem de busca e captura internacional contra Gabriel, que passa à clandestinidade junto à sua família. Acusa-se-lhe de ter pendente umha pena de 16 anos. Depois de ano e meio na clandestinidade, o dia 25 de janeiro de 2020, Gabriel é parado em território português e encerrado numha cela da polícia judicial do Porto. Há pressa com a extradiçom ao estado espanhol e dous dias depois começa o julgamento em que

a defesa consegue sacar um prazo de 20 dias para acreditar provas e documentaçom. Num mês depois o tribunal resolverá a favor da extradiçom ao estado espanhol.

Nesse mesmo dia som registadas as casas da nai, do pai, da irmá e do cunhado de Elisa Dei Bernardo (colega de Gabriel) em Itália. A promotoria de Brescia queria procurar provas para poder acusar Elisa e Gabriel de pertencerem a umha célula subversiva com apoio internacional.

A defesa de Gabriel nom atira a toalha e atualmente recorreu ao Tribunal Constitucional depois da pronunciaçom do Tribunal Supremo a favor da extradiçom no 26 de março.

O objetivo da defesa é "a libertação imediata por reconhecimento do princípio de especialidade (princípio alemao polo que Gabriel foi posto em liberdade). Se isso nom se conseguisse, o objetivo seria evitar a extradiçom e que cumprisse a suposta pena residual em Portugal, evitando o acosso que lhe esperaria nos cárceres espanhóis. Em caso de extradiçom luitaria-se para nom se cumprir essa pena aplicando redençons e refundimentos que até hoje nom fôrom computados, açom que também se proporia realizar caso cumprisse essa pena em Portugal".

Para poder preparar esta defensa vai ser necessária umha quantidade de dinheiro importante para "enfrentar umha burocracia que implica o concurso de administraçons de justiça de três Estados (Espanha, Alemanha e Portugal)".

Abriu-se umha conta a nome da sua parceira, Elisa, onde a cada contribuiçom nom deixa de ser um berro de rebeldia contra toda autoridade fascista e vingativa.

TITULAR: Elisa Di Bernardo **BANKINTER** IBAN: ES06-0128-0180-3601-0009-8696 BIC/SWIFT: BKBKESMMXXX

Para escrever ao Gabriel e dar apoio:

Gabriel Pombo Da Silva EPPJ Porto Rua Assis Vaz 1094200-096 Porto -Portugal



